

خطِ پولُسِ بَلَدِه ايماندارایِ فيليپي

پيشگفتار

امی خطِ پولُسِ بَلَدِه ايماندارایِ شارِ فيليپي نوشته شده. جماعتِ ايماندارِ شارِ فيليپي اولين جماعتِ ايماندارِ دَ خاکِ اُروپا بُود که دَ وسيله پولُسِ بُنيادِ شَي ايشته شد. ای جماعتِ ايماندارِ دَ مَقَدونيه، دَ یکی از ولايت‌های امپراطوري رُوم قرار دَشت.

پولُسِ امی خطِ ره از بَندي-خانه از شارِ رُوم نوشته مُونه. مقصدِ پولُسِ از نوشته کدون امزی خطِ دَ قَدَمِ اوّل تَشکُرِ کدو از ايماندارایِ شارِ فيليپي بخاطرِ تُحفه‌های اَسته که اونا بَلَدِه پوره کدون ضرورت‌های شَي رِي کُدد. بعد از تَشکُرِي پولُسِ چند مَوْضوعِ مُهم ره بَلَدِه ازوا مُوگيه:

۱. اونا ره از حال-و-احوال خُو باخبر مُونه

۲. اونا ره تشويق مُونه که آزارها ره تَحْمَلِ کده اُسْتوارِ بُمنه و دَ غَيْتِ سختی‌ها ام خوش بَشه

۳. ازوا خاهش مُونه که رقمِ مسيح فروتن بَشه و دَ مينکل خُو اِتفاق-و-اِتحد دَشته بَشه

۴. ازوا تقاضا مُونه که از تيموتائوس و ايپفروديتس پذيرایی گرم کُنه

۵. اونا ره از خطرِ معلماي دروغی خبردار مُونه

۶. دَ آخِرِ پولُسِ تاکيد مُونه که اونا خوش بَشه، اطمینان دَشته بَشه، اِتحد-و-

اِتفاق خُو ره حِفْظِ کُنه، ايمان خُو ره نِگاهِ کُنه و دَ زندگي مسيحي خُو اِدامه بديه.

يگ چيزی که کَلو دَ امزی خطِ ديده مُوشه شوق-و-علاقه پولُسِ بَلَدِه جماعتِ ايماندار

طبقه - بندی موضوعها

دُعا و سلام (فصل ۱)

بندی شُدونِ پوُلُس و پَخش شُدونِ خوشخبری (فصل ۱)

فروتنی و بزرگی مسیح (فصل ۲)

رقم ستارهها روشنی بیدید (فصل ۲)

مسیح مقصدِ حقیقی زندگی (فصل ۳)

نصیحتها بلده اتفاق و یگدلی (فصل ۴)

شکرگزاری بلده هدیهها (فصل ۴)

خاتمه (فصل ۴)

دُعا و سلام

۱ از طرفِ پوُلُس و تیموتائوس غلامای مسیح عیسی، بلده تمامِ مُقدَّسینی که د مسیح عیسی ایمان دره و د شارِ فِیلِیپی آسته، د شُمولِ سرپرستای جماعت و خادمای فیض و سلامتی از طرفِ آته مو خدا و مولا عیسی مسیح نصیب شمو شنه.

۲ هر وختیکه شمو ره د یاد خو میرم، ما خدای خو ره شکر-و-سپاس موگم. ۳ ما همیشه د هر دُعای خو بلده پگ شمو قد خوشی دُعا مونم، ۴ چراکه شمو از روزِ اوّل تا آلی ره د اعلانِ خوشخبری قد ازمه شریک آستید. ۵ ما دزی باره اطمینان درم، خدای که کار نیک ره د وجود شمو شروع کد، او امو ره تا روزِ پس آمدونِ مسیح عیسی تکمیل مونه. ۶ بلده ازمه درست آسته که د باره پگ شمو امی رقم فکر کنم، چراکه شمو د دل مه آستید، چون پگ شمو د فیضِ خدا قد ازمه شریک آستید، ام د زنجیر-و-زولانه مه و ام د دفاع و اثباتِ خوشخبری. ۷ خدا شاهد آسته که قد مهربانی عیسی مسیح چیقس پشتِ پگ شمو دق شدیم. ۸ دُعای مه امی آسته که

مُحَبَّتِ شُمُو كَلُوتَر و كَلُوتَر شُنُه و قَدِ عِلْمِ و دَانَايِي كَامِلِ قَتِي بَشَه (١٠) تَا شُمُو بَتْنِيدِ
بِهْتَرِين رَه اِنْتِخَابِ كُنِيد و دَ رُوزِ پَسِ اَمْدُونِ مَسِيحِ پَاكِ و بِيْ عَيْبِ بَشِيدِ (١١) و پُر اَز تَمْرِ
عَدَالَتِ شُنِيدِ كِه دَ و سِيْلَه مَسِيحِ عِيْسَى بَلْدَه جَلَالِ و سِتَايِشِ خُدا دَ و جُودِ مِيِيَه.

زنجيرای پولس باعثِ پيشرفتِ خوشخبري موشه

(١٢) آي برارو، ما ميخايْم شُمُو بَدْنِيدِ، چيزايِ كِه دَ سَرِ اَزْمَه اَمَدَ دَ حَقِيْقَتِ بَاعِثِ
پيشرفتِ خوشخبري شُد، (١٣) دَ اِنْدازَه كِه بَلْدَه تَمَامِ پِيرَه دَارايِ قَصْرِ و كَسايِ دِيْگَه
مَعْلُوم دَارِ شُد كِه ما بَخاطِرِ خِدْمَتِ مَسِيحِ بَنْدِي اَسْتَم؛ (١٤) و بَلْدَه غَدْرِ بَرارو زَنْجِيرِ-و-
زَوْلانَه مَه بَاعِثِ شُد تَا اُونَا دَ مَوْلَا اِعْتِمَادِ كَدَه كَلُوتَرِ جُرَاتِ كُنَه كِه كَلَامِ خُدا رَه بَدُونِ
تَرَسِ اِعْلانِ كُنَه. (١٥) لِيكِنِ بَعْضِي كَسَا بَخاطِرِ حَسادَتِ و هَمْچِشْمِي دَ بارَه مَسِيحِ
مَوْعِظَه مُونَه، و لِيْ بَعْضِي كَسايِ دِيْگَه دَ نِيْتِ نِيكِ. (١٦) اميَا اَز رُويِ مُحَبَّتِ اِي كَارِ رَه
مُونَه، چُونِ مِيدَنَه كِه ما بَخاطِرِ دِفَاعِ اَز خوشخبري دَ اَيْنِجِي اَنْدَخْتَه شُدِيم، (١٧) مِگَم
دِيْگَرُو اَز رُويِ خُودِخاهِي پَيغامِ مَسِيحِ رَه اِعْلانِ مُونَه، نَه قَدِ نِيْتِ پَاكِ، دَ قَصْدِ اَزِي كِه
رَنْجِهايِ مَرَه دَ بَنْدِي خَانَه كَلُوتَرِ كُنَه. (١٨) لِيكِنِ چِي فَرَقِ مَوْكُنَه؟ مَهْمِ اِي اَسْتَه كِه اَز هَر
طَرِيقِ پَيغامِ مَسِيحِ اِعْلانِ شُنَه، چِي دَ نِيْتِ بَدِ بَشَه، چِي دَ نِيْتِ نِيكِ؛ و ما دَزيِ بارَه
خُوشحالِ اَسْتَم.

اَرِيْ، ما دَ خُوشحالِي خُو اِدَامَه مِيدِيم. (١٩) چُونِ ما مِيدَنَم كِه دَ و سِيْلَه دُعاهايِ شُمُو و دَ
كُومَكِ رُوحِ عِيْسَى مَسِيحِ اِي چِيْزَا دَ نِجاتِ مَه تَمَامِ مَوْشَه. (٢٠) نَظَرِ دَ اِنْتِظَارِ كَلُو و
اُمِيدِي كِه دَرُم، دَ هِيچِ چِيْزِ شَرْمِنْدَه نَمُوشَم، بَلَكِه دَ و سِيْلَه توره كُفْتُونِ مَه قَدِ جُرَاتِ
كَامِلِ، مَسِيحِ اَلِي اَمِ مِثْلِ هَمِيْشَه دَ و سِيْلَه جِسْمِ مَه بَزُرْگِي-و-جَلالِ پَيْدَا مُونَه، چِي دَ
زِنْدَگِي مَه، چِي دَ مَرگِ مَه؛ (٢١) چُونِ بَلْدَه اَز مَه زِنْدَگِي كَدُو «مَسِيحِ» اَسْتَه و مُرْدُو دَ
فَايْدَه مَه. (٢٢) لِيكِنِ اِگَه زِنْدَگِي كَدُو دَ جِسْمِ بَلْدَه مَه كَارِ پُرْتَمَرِ اَسْتَه، اَوْخْتَه نَمِيدَنَم كِه
كُدَمِ شِي رَه اِنْتِخَابِ كُنَم. (٢٣) چُونِ ما دَ بَيْنِ اَمزِي دُو سَخْتِ بَنْدِ مَنْدِيم: ما اَرزُو دَرُم كِه

ای زندگی ره ایله کُنم و قد مسیح بَشْم، چُون ای بَلَدِه مه کَلو خُوْبَتَر اَسْتِه، (۲۴) مگم مندون مه دَ جِسْم بَلَدِه از شُمُو ضرُورِی تر اَسْتِه. (۲۵) و ازی که دَ ای باره یقین دَرُم، ما مِیْدَنَم که زنده مومَنَم و قد پگ شُمُو بَلَدِه پیشرفَت و خوشی شُمُو دَ ایمان، خِدْمَت خُو ره اِدامه مِیْدِیْم، (۲۶) تا اِفْتخار شُمُو دَ مسیح عِیْسَى دَ وَسِیْلِه از مه کَلو تر شُنُه و خْتِیکه دُو باره دَ پیش شُمُو مِیْم.

یگ دلی د مسیح

(۲۷) فقط بطوری رفتار کُنید که لایق خوشخبری مسیح بَشِه، تا چی ما بیْم و شُمُو ره بِنگَرُم و چی از شُمُو دُور بَشْم، ما دَ باره شُمُو بَشَنُوم که شُمُو دَ یگ روح اُسْتوار اَسْتِید و قد یگ دل شانه دَ شانه بَلَدِه ایمان خوشخبری تلاش-و-کوشش مُوکُنید (۲۸) و دَ هیچ صورت از مُخالِفای خُو ترس نَمُوخوَرِید. اینمی بَلَدِه ازوا نشانی نابود شُدون ازوا اَسْتِه، مگم بَلَدِه از شُمُو علامت نِجات؛ و ای کار خُدا اَسْتِه. (۲۹) چُون دَز شُمُو بخاطر مسیح فرصت دَدِه شُد که نه تنها دَزُو ایمان بیرید، بلکه دَ راه ازو رَنج-و-عذاب ام بکشید، (۳۰) چراکه شُمُو دَ امزو کشمکش گِرِفْتار اَسْتِید که دَز مه دیده بُودید و آلی ام مِیْشَنوید که ما هنوز گِرِفْتار اَسْتِم.

فروتنی و بُزرگی مسیح

۲ (۱) پس اگه کُدم دِلگرمی دَ مسیح، اگه کُدم آرامش مُحَبَّت، اگه کُدم رفاقت روح اَلْقُدس و اگه کُدم مهربانی و دِلسوزی دَ وجود شُمُو اَسْتِه، (۲) خوشی مره کامل کُنید، یعنی قد یگدیگه خُو هَمَنظَر بَشِید، مُحَبَّت دُو جَانِبِه دَشْتِه بَشِید و یگ دل و یگ فِکَر بَشِید. (۳) هیچ کار ره از رُوی همچشمی یا خودستایی انجام نَدید، بلکه قد شِکِستِه-نَفْسِی دِیگرو ره از خود کده باله تر بَدَنید. (۴) هیچ کُدم شُمُو تنها دَ فِکَر فایده خود خُو نَبَشِید، بلکه دَ فِکَر دِیگرو ام بَشِید. (۵) امو طرز فِکَر دَز شُمُو بَشِه که دَ مسیح عِیْسَى بُود:

٦) اُو که دَ شَکْلِ خُدا وِجُود دَشت،

دَ فِکْرِ ازی نَشُد که برابری قد خُدا ره محکم بگیری،

٧) بلکه خود ره ازی فِکْرِ خالی کد

و شکلِ یگ غلام ره گِرفته هَمَرَنگِ اِنسان جور شُد؛

و اُو دَ شَکْلِ اِنسان پَیدا شُد

٨) خود ره فروتن کد

و تا حدِ مَرگ فرمانبردار شُد، حتی مَرگ دَ رُوی صلیب.

٩) امزی خاطر خُدا اُو ره بے اندازه سربلند کد

و نامی ره دَزو بخشید که باله تر از تمامِ نامها آسته،

١٠) تا دَ نامِ عیسی هر زانو

دَ آسمو، دَ زمی و دَ زیرِ زمی خَم شُنه

١١) و هر زیو اقرار کُنه

که عیسی مسیح مولا آسته

بلده بزرگی-و-جلالِ آته مو خُدا.

رقم ستاره‌ها روشنی بدید

۱۲) پس ای عزیزای مه، امو رقم که شمو همیشه از مه اطاعت کدید، نه تنها د حضور مه، بلکه آلی که از شمو دور آستم دیگه ام کلوتر اطاعت مونیید، نجات خو ره قد ترس و لرز عملی نشو بدید؛ ۱۳) چون خدا آسته که د وجود شمو کار کده ام اراده و ام قدرت کار ره بلده خوشی خو دز شمو میدیه. ۱۴) هر کار ره بدون نق و جر و و-بحث انجام بدید، ۱۵) تا بے عیب و پاک و بچکیچای بے نقص خدا د بین نسل ناراست و گمراه بشید و د مینکل ازوا رقم ستاره‌ها د دنیا روشنی بدید ۱۶) و کلام زندگی ره محکم نگاه کنید تا ما بتنم د روز پس آمدون مسیح افتخار کنم که ما بے فایده ندویدیم و بے فایده زحمت نکشیدیم. ۱۷) لیکن حتی اگه خون مه رقم هدیه وچی-کدنی د بله قربانی و هدیه ایمان شمو لُوو شنه، ما خوش آستم و قد پگ شمو خوشی مونم. ۱۸) پس شمو ام امی رقم خوش بشید و قد ازمه خوشی کنید.

تیموتائوس و ایپفرودیئس

۱۹) ما د مولا عیسی امید درم که تیموتائوس ره د زودی د پیش شمو ری کنم تا ما ام از حال-و-احوال شمو باخبر شده، خاطرجم شنم. ۲۰) چون ما رقم ازو وری کدم کس دیگه ره ندرم که مخلصانه د فکر ازشمو بشه، ۲۱) چراکه پگ د پشت فایده خود خو میگرده، نه د پشت کار عیسی مسیح. ۲۲) مگم شمو میدنید که تیموتائوس خود خو ره ثابت کده و رقم یگ باچه که د آته خو خدمت مونه، او قد از مه د کار اعلان خوشخبری خدمت کده. ۲۳) پس امیدوار آستم امی که کارای مه معلوم شنه، او ره د پیش ازشمو ری کنم. ۲۴) د مولا اطمینان درم که ما ام د زودی د پیش شمو مییم.

۲۵) ولے فعلاً لازم دیدم که ایپفرودیئس ره د پیش شمو ری کنم. او برار، همکار و همسنگر مه آسته و یگ قاصد ازشمو بلده پوره کدون ضرورت‌های مه آسته. ۲۶) چون

اَوْ پُشتِ پگ شُمو دِق شُدُد و ازی که شُمو شِنیده بُودید که اُو ناچور شُدِه، اُو غَمگی شُدُد. (۲۷) واقِعاً اُو سخت ناچور و حتی نزدیک دَ مُردو بُود. مگم خُدا دَ بِلِه اَزو رَحْم کد، نِه تنها دَ بِلِه اَزو، بَلکِه دَ بِلِه ازمه ام، تا ای غَم دَ بِلِه غَم‌های مه اِضافه نَشْنِه. (۲۸) پس قد کوشِشِ کَلو اُو ره دَ پِیش شُمو رِی کُدُم تا شُمو از دِیدونِ اَزو بسم خوشحال شُنید و غَم ازمه ام کَمتر شُنِه. (۲۹) پس دَ اِحترامِ مَولا و قد خوشی کَامِل از شی پذیرایی کُنید و امی رقم کسا ره اِحترام کُنید، (۳۰) چراکه اُو بخاطرِ کار دَ راهِ مَسِیح نزدیک دَ مُردو شُد، چُون اُو جان خُو ره دَ خطر اَندخت تا خِدمتی ره دَز مه انجام بَدیه که شُمو نَتَنِستید انجام بَدید.

مسیح، مقصدِ حقیقی زندگی

۳ (۱) خلاصه ای برارون مه، دَ مَولا خوش بشید. نوشته کدونِ امزی چیزای تکراری بَلِه ازمه زَحمت نِیسته، بَلکِه بَلده حِفَاظَتِ اَز شُمو اَسْتِه.

(۲) امزُو سگ‌ها خود ره اِحْتِیاط کُنید! امزُو آدمای شَرِیر خود ره اِحْتِیاط کُنید! امزُو کسای که یگ عَضوِ جِسم ره قَطع مونه خود ره اِحْتِیاط کُنید! (۳) چُون ختنه شُدِه‌های حَقِیقِی مو اَسْتی که دَ وَسِیلِه رُوحِ خُدا عِبادت مونی و دَ بِلِه مَسِیح عِیسی اِفْتخار مَوکُنی و دَ جِسم تَوکُل نَمونی؛ (۴) اگَرچِه ما ام دَلِیل دَرُم که دَ جِسم تَوکُل کَنم. اگِه کُدُم کسِ دِیگِه فِکَر مونه که دَ جِسم تَوکُل دَرِه، ما کَلوتر دَرُم: (۵) ما دَ هشت روزگی ختنه شُدُم، از قومِ اِسْرَائِیل و از طایفِه بَنیامین اَسْتُم، یگ عِبرانی از نسلِ عِبرانی؛ از نِگاهِ شَرِیعت، فَرِیسی، (۶) از نِگاهِ غِیرت، آزار-و-اَدَبِت کُننده جماعتِ اِیماندارا و از نِگاهِ عَدالتِ شَرِیعت، بَے عِیب. (۷) ولِے هر چیزِی که دَ فایده مه بُود اُو ره بخاطرِ مَسِیح دَ نَقص خُو دَنَسْتُم. (۸) علاوه ازی، تمام چیزا ره دَ برابرِ اَرزِشِ بَلندِ شِناسِ مَسِیح عِیسی مَولایِ خُو دَ نَقص خُو مِیدَنم. بخاطرِ اَزو ما تمام چیزا ره از دِست دَدُم و اونا ره خَشِپَش

حِسَابِ كُدْمِ تَا مَسِيحِ رِه دَ دِسْتِ بِيْرُمِ ﴿٩﴾ وَ دَزُو تَعْلُقِ دَشْتِه بَشْمِ، نَه قَد عَدَالْتِ خُوْدِ خُو
 كِه اَز شَرِيْعَتِ اَسْتِه، بَلَكِه قَد عَدَالْتِي كِه دَ وَ سِيْلِه اِيْمَانِ دَ مَسِيحِ دَ دِسْتِ مِيِيِه، عَدَالْتِي كِه
 اَز خُدا يَه وَ دَبَلِه اِيْمَانِ اَسْتَوَارِ اَسْتِه. ﴿١٠﴾ مَا مِيخَايْمِ مَسِيحِ رِه بِنَخْشْمِ وَ قُدْرَتِ دُوْبَارِه
 زِنْدِه شُدُونِ شِي وَ شَرِيكِ شُدُو دَ رَنجِهَايِ شِي رِه پِي بِيْرُمِ تَا دَ مَرگِ شِي هَمْرَنگِ اَزُو
 شْنَمِ، ﴿١١﴾ تَا اَز يَكُو طَرِيْقِ مَا اَمِ دَ دُوْبَارِه زِنْدِه شُدُونِ مُرْدِهَا بَرَسْمِ.

سُونِ هَدَفِ گَشْتُو

﴿١٢﴾ اِيْطُوْرِ نِيِيِه كِه مَا پِيْشِ اَز پِيْشِ دَ دِسْتِ اُوْرْدِيْمِ يَا گَاهِ كَامِلِ شُدِيْمِ، بَلَكِه دَ پُشْتِ شِي
 سَخْتِ مِيْگَرْدُمِ كِه اُو رِه دَ دِسْتِ بِيْرُمِ، چِرَاكِه مَسِيحِ عِيْسَى مَرِه بَلْدِه شِي دَ دِسْتِ اُوْرْدِ.
 ﴿١٣﴾ اِيْ بَرَارُو، مَا اِيْطُوْرِ فِكْرِ نَمُوْنَمِ كِه مَا دَ دِسْتِ اُوْرْدِيْمِ، وَلِي يَكِ كَارِ رِه اَنْجَامِ مِيْدِيْمِ:
 چِيْزِي كِه دَ پُشْتِ سَرِ مِه اَسْتِه، اُو رِه پُرْمَشْتِ مُوْنَمِ وَ سُونِ چِيْزِي كِه دَ پِيْشِ رُوِي مِه
 اَسْتِه، قَد كُوْشِيْشِ سَخْتِ پِيْشِ مُوْرَمِ؛ ﴿١٤﴾ مَا سَخْتِ پُشْتِ هَدَفِ مِيْگَرْدُمِ تَا جَايْزِه دَعُوْتِ
 اَسْمَانِي خُدا رِه كِه دَ مَسِيحِ عِيْسَى وَجُوْدِ دَرِه دَ دِسْتِ بِيْرُمِ. ﴿١٥﴾ پَسِ پَكِ اَزْمُو كِه دَ
 اِيْمَانِ بَالِغِ اَسْتِي، بِيِيْدِ كِه اَمِي رَقْمِ فِكْرِ كُنِي؛ وَ اَكِه شُمُو دَ بَارِه يَكُو چِيْزِ كُدْمِ فِكْرِ دِيْگِه
 دَرِيْدِ، اُو رِه اَمِ خُدا بَلْدِه شُمُو بَرْمَلَا مُوْنِه. ﴿١٦﴾ دَ هَرِ حَالِ، اَمُو چِيْزِ رِه كِه دَ دِسْتِ
 اُوْرْدِي، بِيِيْدِ كِه دَ مُطَابِقِ اَمْزُو رِفْتَارِ كُنِي.

﴿١٧﴾ اِيْ بَرَارُو، اَز مِه سَرْمَشَقِ بِيْگِيْرِيْدِ وَ نَظَرِ شُمُو دَ كَسَايِ بَشِه كِه مُطَابِقِ نَمُوْنِه كِه اَز مُو
 گَرِفْتِيْدِ، رِفْتَارِ مُوْكُنِه. ﴿١٨﴾ چُونِ غَدْرِ كَسَا رَقْمِ دُشْمَنَايِ صَلِيْبِ مَسِيحِ زِنْدِگِيِ مُوْكُنِه؛ مَا
 بَارِهَا دَ بَارِه اَزْوَا دَزِ شُمُو كُفْتِيْمِ وَ اَلِي اَمِ قَدِ چِيْمَايِ پُرِ اَوِيْدِه دَزِ شُمُو مُوْكُمِ، ﴿١٩﴾
 عَاقِبْتِ اَزْوَا نَابُوْدِي اَسْتِه، خُدايِ اَزْوَا كُوْرِه اَزْوَا يَه، اِفْتِخَارِ اَزْوَا دَبَلِه كَارَايِ شَرْمِ اَوَرِ
 اَزْوَا اَسْتِه وَ فِكْرِهَايِ اَزْوَا دَ چِيْزَايِ دُنْيَايِي اَسْتِه. ﴿٢٠﴾ لِيْكَنِ وَطَنِ اَصْلِي اَزْمُو عَالَمِ بَالِه
 اَسْتِه كِه مُو چِيْمِ دَ رَاهِ يَكِ نِجَاتِ دِهْنْدِه، يِعْنِي مَوْلَا عِيْسَى مَسِيحِ اَزْوَنْجِي اَسْتِي. ﴿٢١﴾ اُو
 جِسْمِ خَارِ-وَ-حَقِيْرِ مُو رِه تَبْدِيْلِ مُوْنِه تَاكِه رَقْمِ جِسْمِ پُرِ جَلَالِ اَزْوَا جُوْرِ شْنِه؛ اُو دَ وَ سِيْلِه

قوتی که دزو قدرت میدیه ای کار ره مونه تا تمام چیزا ره د زیر فرمان خو بیره.

۴ (۱) امزی خاطر ای برارون مه که شمو ره دوست درم و پشت شمو دق شدیم و شمو باعث خوشی و تاج افتخار مه آستید، امی رقم د مولا محکم-و- آستوار بُمَید، ای عزیزای مه.

نصیحت‌ها بلده اتفاق و یگ‌دلی

(۲) از افودیه خاهش مومم و د پیش سینتیخی زاری مومم که هر دوی شی د خدمت مولا یگدل بشه. (۳) و از تو ام ای همکار حقیقی، خاهش مومم که قد امزی خاتونو دزی باره کومک کنی، چراکه اونا د کار اعلان خوشخبری قد ازمه تلاش-و- کوشش کده، امچنان قد کلیمنتس و دیگه همکارای مه که نام ازوا د کتاب حیات ثبت شده.

(۴) همیشه د مولا خوش بشید، بسم موگیم، خوش بشید! (۵) بیلید که نرمی-و- ملامت شمو د پگ معلومدار شنه. آمدون مولا نزدیک آسته. (۶) د باره هیچ چیز تشویش نکنید، بلکه د هر چیز قد دعا و عذر-و- زاری که قد شکرگزاری قتی بشه، درخاست‌های خوره د حضور خدا پیش کنید. (۷) اوخته آرامش خدا که از تمام فامیدگی‌ها کده باله‌تر آسته، دل‌ها و فکرای شمو ره د مسیح عیسی نگاه مونه.


(۸) خلاصه ای برارو، هر چیزی که راست، هر چیزی که قابل احترام، هر چیزی که عادلانه، هر چیزی که پاک، هر چیزی که پسندیده و هر چیزی که قابل توصیف آسته، و اگه کدم چیز بے اندازه خوب و اگه کدم چیز قابل ستایش آسته، د باره شی فکر کنید. (۹) چیزای ره که از مه یاد گرفتید یا حاصل کدید یا شنیدید و یا دز مه دیدید، اونا ره عملی کنید و خدای آرامش قد شمو آسته.

شکرگزاری بلده هدیه‌ها

۱۰) ما د مولا کلو خوش اَسْتُم که آلی شُمُو بسم فکر خُو ره د باره ازمه تازه کدید؛ د حقیقت شُمُو د فکر ازمه بُوید، مگم فرصت نَدَشْتِید که بَرَمَلا کُنید. ۱۱) ایطور نیسته که ما ای ره از رُوی اِحْتِیاج بُگِیم، چُون ما یاد گِرِفْتِیم که د هر حالت که بَشُم، قِنَاعَت کُنم. ۱۲) ما مِیدَنُم که ناداری چیزخیل آسته و ام مِیدَنُم که دارا بُودو چیزخیل آسته. د هر حالت و د تمام شرایط ما راز قِنَاعَت ره یاد گِرِفْتِیم، ام د حالت سیری و ام د حالت گُشَنگی، ام د پَرِیمونی و ام د اِحْتِیاج. ۱۳) ما هر کار ره د وسیله امزو که مَره قُوَت مِیدیه، مِیتَنُم اِنجام بَدِیم. ۱۴) د هر صُورَت، شُمُو لُطَف-و-مِهْرَبانی کدید که د رَنج-و-پَرِیشانی مه شَرِیک شُدید. ۱۵) آی فِیلِیپیا، شُمُو خُوب مِیدَنید که د شُرُوع اِعلان خوشخبری، وختیکه از مَقَدونیه رَی شُدُم، بَغیر از شُمُو هیچ جَمَاعَت اِیماندارا د حِساب داد و گِرِفَت قد ازمه همکاری نکد. ۱۶) چُون حَتی وختیکه د شار تَسالونیکِی بُوَدُم، یگ یا دُو دَفعه شُمُو بَلده ضَرُورَت مه کومک رَی کدید. ۱۷) ایطور نیسته که ما از شُمُو کومک طلب دَشته بَشُم، بَلکه د طلب اَجری اَسْتُم که مِیخائِم د حِساب شُمُو اِضافه شَنه. ۱۸) تمام چیزا بطور کامل دَز مه رَسید و آلی از حد کَلو دَرُم. کومک‌های شُمُو از دِست اِیْفِرودِیتُس دَز مه رَسید و ضَرُورَت مه پُوره شُد؛ کومک‌های شُمُو یگ هدیه خوشبُوی، یگ قُرَبانی قَابِلِ قَبُول و مَوْرِدِ پَسَنَدِ خُدا آسته. ۱۹) و خُدای مه تمام ضَرُورَت‌های شُمُو ره مُطابِقِ دَوْلَتْمَنَدی پُر جلال خُو که د مَسِیح عِیسی و جُود دَره، پُوره مُوکنه. ۲۰) د آتِه مو خُدا تا اَبَدُالاباد بُزرگی-و-جلال باد. آمین.

خاتمه

۲۱) تمام مُقَدَّسین ره که د مَسِیح عِیسی تَعَلُق دَره سلام بُگید. برارونی که قد از مه آسته شُمُو ره سلام مُوگیه. ۲۲) تمام مُقَدَّسین دَز شُمُو سلام مِیرسنه، خُصُوصاً کَسای که از خانِه قِیصر آسته.

فَيْضِ مَوْلَايَ مُو عَيْسَى مَسِيحِ قَدْ رُوحِ پَگ شُمو بَشَه. آمين. 

سوال داريد؟ +1 807.700.6090 

afghanbibles.org © آزرگي

Copyrighted material not for reprint/publishing purposes.